



Universitätsbibliothek Paderborn

**Opera Mystica V. Ac Mystici Doctoris F. Ioannis A Crvce
Primi Religiosi Discalceati Ordinis B. V. M. De Monte
Carmelo Et Seraphicæ Virginis Theresiæ fidelissimi
coadiutoris**

Juan <de la Cruz>

Coloniæ Agrippinæ, 1639

§. VIII. Virtutes quibus fuit exornatus.

urn:nbn:de:hbz:466:1-37873

COMPENDIVM VITÆ

§. VII.

Munia qua obiuit, & conuentus quos fundauit.

Nihil Ioanni magis erat in votis, quam ut expeditus ab omni prælatura sibi Deo-que soli vacaret, idque identidem summis precibus à Deo postulabat, unde cum in Capitulis ad aliquod officium eligeretur, nullum non mouebat lapidem, quo se se collata dignitate & munere liberaret: aduolatus ad genua electorum precibus miscendo lachrymas imposum munus resignabat, vacationemque efflagitabat. At noluit Deus hanc lucernam latere sub modo, quam super candelabrum constitutum voluit prælucere omnibus. Igitur ex prafato Almodouarensi cœnobio in Prouinciam Bæticam missus fuit, ut conuentui Caluariae præfasset, postea Beacense Collegium fundauit, deinde rexit Granatense, ubique eundem spiritum orationis & penitentie introducens. Functus officio Vicarij Prouincialis Bæticæ, denuo munus Prioris subiit. Postmodum Capitulo Generali interfuit, in quo electus in primum Definitotem, eoque officio per triennium durante, simul interim Conuentum Segouiensem gubernauit. Mirum quanta integritate, prudentia ac sanctitate haec aliaq; munia administravit, quam rara virtutu exempla, quā probatē sanctitatis famam apud omnes reliquerit.

§. VIII.

Virtutes quibus fuit exornatus.

Lebet carptim illius virtutes delibare, nam ut minutatim omnes explicitentur, res primo virtutes Theologicæ, quas ut præcipias præcipue coluit. Fidem viuam spirant & aperte loquuntur illius scripta, quæ videntur nihil aliud esse quam imago quædam & commendatio huius virtutis. Eam adeo firmam inter medias tenebras habuit, ut nihil indigeret eorum, quæ aut fulcimentum adferre solent, aut solatium. Idcirco in oratione minime appetebat internas dulcedines, visiones, reuelationes, aliaque huiusmodi: quin potius aridates, labores, &c. Circa Mysteria SS. Trinitatis ac venerabilis Sacramenti talis in eo erat fidei vigor & viuacitas, ut ea potius intueri quam credere videretur, quemadmodum pluribus apertisque constat exemplis, quæ in vberioti vita illius historia recensentur.

Christus.
Spes. *Spes cœlesti quæ tantum obtinet quantum speras. Vbi de rebus domesticis prouidens agebat, aiebat: nouit Dominus quibus indigemus, nostrum est ei fideliter seruire, ipsius vero nobis prouidere, atque ita iactans super Dominum curam suam mirabiles diuinæ prouidentie effectus non semel est expertus.*

Charitas. *Charitatem quis dignè commemoret: talis fuit ut in externam etiam faciem redundarit, quæ cœlesti splendore non raro perfusa internum ignem charitatis proderet. Dū quadam vice corā Infantilium sv effigie Religiosos adhortaretur, vīsi sunt radij miri splendoris è vultu pueruli prodire, atque in ipsum tendere, inde resiliere in auditores,*

V. P. F. IOANNIS A CRVCE.

tores, quo pateret verba cœlestis huius viri scintillas esse, non tam sūo quam Dei ote
egressas. Et vero (quod de Elia legimus) verbū ipsius quasi facula ardebat, quo animos
audientum incendebat, trahebat, rapiebatque. S. Mater nostra Therefia de Ioanne
nostro dicere confiduerat, impossibile est sermonem de diuinū miscere cum P. F. Ioanne, nam
mox in extasim ipse abiit, aut alios abire compellit. Vnde paſſim apud alios audiebat diuinus
incantor, Seraphin carne induitus.

§. IX.

Alia virtutes heroicae.

Theologicarum virtutum vestigia reliqua pari passu insequuntur. Humilitas tan- *Humilitas*
ta, quanta opus erat sublimi perfectionis ædificio superstruendo. Opera, verba,
vultus, amictus, quicquid denique erat in Ioanne, humilitatem spirabant. Sibi viles &
abiectus, nihil quod propriam laudem redoleret, aut ipse loqui, aut alios loquētes au-
dere poterat. Cum religiosi quidam labores, quos in promouenda reformatione per-
tulerat, recenserent, utraque manu aures obturauit, obsecrans non ista sed potius pec-
cata sua narrarent. Alteri alterius ordinis Religioso, qui (quod pater otiosa illius col-
loquia intertrumperet) cum dixisset videri eum rustici filium; Respondit Deifamus:
Imo tanti non sum, qui potius filius pauperculi cuiusdam textoris, quo responso non
solus ille confusus, sed adeo etiam compunctus fuit, ut ex eo tempore fuerit Venera-
bili Parti addic̄tissimus, & præco illius sanctitatis. Tria solitus erat à Deo postulare.
primum labores, secundum ne præsul existens ē vita migraret: tertium quod profun-
dissimæ humilitatis indicium præberet, ut abiectus & vilipens viueret ac moreretur.
Cum in Segoniensi Conventu ante imaginem Christi Domini crucem baulantis o-
rationi vacaret, hanc ab imagine prodeuntem vocem audijt: *Ioannes quid vñ pro labori-
bus & ille: Domine pati & contemni pro te. Singulatis optio, & non nisi ex intimo tum pa-
tiendi, tum contemptus desiderio nata.*

Pauperratis fuit obseruansissimus, que ab omnimoda quadam spiritus nuditate *Pauperiae*.
procedebat. Morabatur plerumque in viliori & strictiori conuentus cellula, cuius or-
natus crux lignea, tota lappellex, Breuiarium, Biblia sacra, disciplina, & cilicium. Ha-
bitus illi rudis, verius, tunc arcitus, mundus tamen, nisi obstat aduersa valetudo, pe-
desiter agebat mendicato victans, & reliq̄is hospitijs laitoribus que vltro offere-
bantur, pauperiora requirebat, nunquam non fugiens opulentiam & vitæ commodi-
tates. In conuentu fundationibus nullos redditus admittebat; si quando delicatiora
aliqua à benefactorib⁹ submitterentur, nec essent infirmi quorum usibus ea deputari
suaderet charitas, restituī curabat, asperens nefas esse Carmelitis Discalceatis dum va-
lent vi similibus blandimentis.

Visus est Venerabilis Pater in carne sine carne viuere, ita alienus ab omni impres- *Castitas*.
sione luxurie, ut cœlum diceres, aut Olympi verticem, quem turbidæ tempestates no-
tangunt. Imo, quod mirere, alijs quibuscum agebat sola præsentia puritatem impi-
mebat; erantque antidotum contra immundi spiritus tentationes, quecumq; corpus
hoc castissimum aliquando contigissent. Quis credat mulierem carnis stimulis agi-
tutam viri vel præsentia vel memoria suæ castitati posse consulere? & tamen inuenta
est persona religiosa ab immundo spiritu vexata, que Ioannis nostri sola recordatione
castitatis suæ munimen quæsuerit ac inuenierit.

Fuit

B.
Ioannis
a Cruce

Opera
Mystica
NIT
124